



# UNTL

Universidade Nacional Timor Lorosa'e

## AVIZU

### LOKE KONKURSU PÚBLIKU BA UNIVERSIDADE NACIONAL TIMOR-LOROSA'E - U N T L

(Prosesu Selesaun nakloke ba Sidadaun Timoroan hotu)

Komisaun Funsau Públika, tuir Dekretu lei Nú. 34/2008 depoizde alterasaun ba Dekretu lei Nú. 22/2011 iha loraun, 27 Agostu, artigu 5<sup>o</sup> – 7<sup>o</sup> hatete katak konkursu públiku no konkursu internu hotu-hotu sentraliza iha sekretariadu Komisaun Funsau Públika atu hala'o prosesu rekrutamentu hanesan konkursu públiku no internu tuir Dekretu Lei haruka. Dekretu-Lei Nú 16/2010 iha loraun, 10 Outubru kona-ba Estatutu UNTL, Lei Nú 2 /2018 de 24 de Janeiru Alterasaun daruak hosi Dekretu Lei Nú. 7/2012, 15 Feveiru (Estatutu Kareira Dosente Universitária)

<b>Vaga Dosente Permanente ba</b> <b>Departamento Engenharia Civil, Electro, Mecánica,</b> <b>Faculdade Engenharia Ciensas Tecnologia</b> <b>No. Ref. CPI/126/2022</b>	
Totál vaga: <b>Ida (1)</b>	
Kategoria: <b>Asistente Júnior D2</b> (Tékniku Laboratóriu)	Grau Akadémiku : <b>Lisensiatura ho Esperiência hanorin komprovadu</b>
Saláriu Mensál/ kada fulan: <b>\$. 525.00</b>	
Estadu Funsional: <b>Permanente</b>	
Tipu Konkursu: <b>Konkursu Públiku</b>	Métodu Selesaun Dokumentu ho karater eliminatóriu: <b>Prova Koñesimentu no Entrevista Profisional</b>
Reporta/Hatán ba: <b>Reitor Universidade Nacional Timor Lorosa'e</b>	

#### **A. Deskrisaun Konteúdu funksional husi postu servisu:**

1. Prepara Matéria ba aula bazeandu ba kurríkulu no *syllabus* ne'ebé iha;
2. Prepara materiál ba prátika;
3. Fó orientasaun ba estudante sira kona-ba planu estudu nian;
4. Prepara oráriu ka planu ba kada semana, indika materiál atu hanorin ho ninia prátika;
5. Koordena ho Diretór Departamentu kona-ba aktividade semanál nian;
6. Prepara matadalan estudu nian (*Study Guide*);
7. Hanorin uza lian Portugés, Tetun no língua sira seluk;
8. Hanorin tuir planu no oráriu ne'ebé prepara tiha ona;
9. Prepara materiál no fó ezame ba estudante sira;
10. Fó sai rezultadu ezame ba estudante sira;



# UNTL

Universidade Nacional Timor Lorosa'e

11. Halo relatóriu ezame no hato'o ba Diretór Departamentu;
12. Halo avaliasaun ba estudante sira;
13. Responsabiliza servisu iha Laboratóriu atu fó tulun ba Departamentu ne'ebé hala'o knaar hanesan Asistente Técnica prátika iha Laboratóriu;
14. Halo lista no jestaun ba pozisaun no utilizaun ekipamentu sira hotu iha Laboratóriu Departamentu;
15. Kontrola ekipamentu sira iha Laboratóriu, tau-matan no halo manutensaun periódika tuir kondisaun ekipamentu ida-idak nian;
16. Prepara planu kona-ba alokasaun ekipamentu sira no materiál sira prátika nian;
17. Promove prátika iha Laboratóriu hodi dezenvolve rekursu iha siénsia no teknolojia tuir evolusaun dezenvolvimentu profesionalizmu públiku nian;
18. Organiza rejistu ba estudante sira-ne'ebé mak atu ba prátika iha Laboratóriu antes hala'o prátika;
19. Prepara materiál sira-ne'ebé atu utiliza ba prátika no hatene organiza estudante sira ne'ebé mak atu hala'o prátika iha Laboratóriu tuir orientasaun Dosente, ba dixiplina refere.

## **B. Rekizitu sira Selesaun nian:**

### **1. Rekizitu obrigatóriu sira:**

- a. Tenke Sidadaun Timor-Leste nian;
- b. Idade másimu 55;
- c. Nunka sai kondenadu iha krime dolozu ne'ebé korresponde ba prizaun efetiva tinan rua ba leten, ka prátika hahalok ne'ebé bele konsideradu no manifesta inkompatibilidade ho ezersísio husi funsaun sira iha administrasaun públika;
- d. Nunka demitidu husi Instituisaun Estadu nian ruma;
- e. Prontu atu halo viajen ka kolokadu iha kualkér parte iha territóriu nasional no iha rai-liur;
- f. Goza saúde di'ak, fiziku no mentalmente di'ak hodi bele halo funsaun sira-ne'ebé konkorre bá daudaun (Atestadu médiku komprova liuhusi Laboratóriu Nasionál-Ospital Nasionál Guido Valadares).

### **2. Rekizitu ba abilitasaun akadémika:**

Lisensiatura ho esperiénsia hanorin komprovalu iha aréa Engenharia Sivil, Elektro, Mekánika ou área sira-ne'ebé relasionadu ho vaga ne'e nia ezijénsia, ne'ebé hetan husi Universidade sira-ne'ebé akreditadu loloos ona hodi lesiona matéria ka dixiplina balun ne'ebé mosu iha lista a) to'o d) iha kraik:

- a. *Hanorin Engenharia Basico iha Departamentu;*
- b. *Hanorin Manutensaun ba Ekipamentu Departamentu nian;*
- c. *Hanorin Kalibrasaun ba Ekipamentu Máquina Prátika nian;*
- d. *Hanorin Prátika Laboratóriu iha Departamentu;*

### **3. Rekezitu obrigatoriu, abilitasaun no esperiénsia spesífika ba pozisaun ne'e:**

- a. Iha esperénsia hanorin ka investigasaun, mínimu servisu tinan-tolu iha aréa Engenharia Civil, Elektro, Mekánika komprovalu ho dokumentu relevante;



# UNTL

Universidade Nacional Timor Lorosa'e

- b. Tenke iha domíniu ba lian ofisiál (verbál no eskrita) no preferivel domíniu iha lian Inglés, Indonézia ka lian estranjeru sira seluk komprovadu ho dokumentu relevante;
- c. Notas tenke di'ak (bon) iha dixiplina ne'ebé atu hanorin bá;
- d. Rekejitu adisionál Komprovativu:
  - Esperiéncia Peskiza;
  - Publikasaun Sientífika (Nasionál no/ka Internasionál);
  - Servisu Komunitária;
- e. Koñesimentu informátika iha nivel utente nian

### C. Apresentasaun Kandidatura:

Rekerimentu Inskrisaun ba konkursu tenke akompañadu ho:

1. Karta rekerimentu aplikantes sira-nian sei derije ba Prezidente Juri;
2. *Curriculum Vitae (CV)* atualizadu no inklui mós referéncia mínimu ema n'ain-rua asina;
3. Fotokópia Diploma Mestradu (S2), Doutoramentu no Lisensiatura (S1, esperiéncia hanorin komprovadu), Diploma sira tenke legalizadu husi MESCC tahan-1 (legalizadu orijinal);
4. Transkrisaun Akadémika Mestradu (S2), Doutoramentu no Lisensiatura (S1) tenke Legalizadu husi MESCC tahan-1 (legalizadu original);
  - a) Área Exata minimu Bon ba Mestradu, Doutoramentu no Lisensiatura (S1, ho esperiéncia hanorin komprovadu);
5. Fotokópia Eleitoral ka BI tahan 1 (ida);
6. Fotokópia Sertidaun RDTL tahan 1 (ida);
7. Kópia Kartaun Vasina COVID-19 dala 2;
8. Sertifikadu Bon Komportamentu Husi Ministériu Justisa ne'ebé sei válidu;
9. Atestadu Mediku husi HNGV;
10. Kópia Sertifikadu formasaun no treinamentu iha área relevante karik iha;
11. Fotografia Koloridu 3x4 tahan-2 (rua);

**D. Dokumentu hirak temi iha leten, submete diretamente ba Diresaun Nasionál Rekursu Umanu-UNTL, iha oras serbisu nian, hahú loron, 05 fulan-Setembru 2022 to'o loron, 23 fulan-Setembru 2022**

### E. Kritéria Avaliasaun Kandidatura:

1. Avaliasaun Kandidatura bazeia ba:
  - Méritu kandidatu;
  - Formasaun Akadémika;
  - Perfil kurrikulár;
  - Esperiéncia hanorin no investigasaun sientifica iha área relevante;
2. Avaliasaun kurikular sei kompleta tan ho teste eskrita no orál;



# UNTL

Universidade Nacional Timor Lorosa'e

## F. Matéria Prova Eskrita nian:

Tópiku sira tuirmai ne'e sei ezije bainhira hala'o ezame eskritu:

1. Konstituisaun RDTL;
2. Estatutu Funsau Públika (Lei número 8/2008 no Lei número 5/2009);
3. Dekretu-Lei Nú 16/2010 iha loron, 10 Outubru kona-ba Estatutu UNTL;
4. Lei Nú 2 /2018 de 24 de Janeiru Alterasaun daruak hosi Dekretu Lei Nú. 7/2012, 15 Feveiru (Estatutu Karreira Dosente Universitária);
5. Lei Nú. 3 /2014 de 15 de Janeiru Alterasaun dahuluk hosi Dekretu Lei Nú. 7/2012, 15 Feveiru (Estatutu Karreira Dosente Universitária);
6. Programa Governu nian;
7. Matéria kona-ba Pedagogia UNTL nian;
8. Sistema no prosesu Edukasaun iha Timor-Leste nian;
9. Dixiplina espesifiku;

## G. Teste Orál

**Ezame orál sei bazeia ba:**

1. Uzu ekipamentu sira hodi apoiu ensinu;
2. Kompeténsia pedagójika (métodu hanorin);
3. Koñesimentu téknika sientífika iha área ne'ebé sei hanorin bá;
4. Kapasidade espresaun no komunikasaun orál liuhusi apresentasaun *power point* kona-ba matéria ne'ebé nia sei lesiona;

## H. Sistema Klasifikasaun Finál

Klasifikasaun finál rezulta husi média aritmética simples ba klasifikasaun sira ne'ebé hetan liu-husi métodu selesaun hotu-hotu, iha eskala ida husi pontu 0(zero) to'o 100 (atus ida), hodi konsidera aprova ba kandidatu sira-ne'ebé hetan klasifikasaun hanesan ka bootliu pontu 60. Kandidatu ida-ne'ebé hetan número bootliu iha pontu no prienxe kondisaun oioin ne'ebé fó sai iha avizu konkursu públiku ida-ne'e mak sei nomeadu no simu pose ba vaga ne'e.

## I. Afiksasaun Rezultadu

Lista ho naran kandidatu sira-ne'ebé admitidu ba faze ida-idak iha konkursu ne'e, nune'e mós lista klasifikasaun finál sei taka iha quadru avizu UNTL, MESCC no Komisaun Funsau Públika nian.

  
**Próf. Doutor Afonso de Almeida**  
Prezidente Juri